



長治好所在

長治係一個樸實个農業鄉鎮，在鄉內淨有國中、國小，連高中都無，細人仔愛讀書就愛到鬧熱个市區去，應該係因為佢就在屏東市隔壁个關係正著。在長治，一哪看啊去都係青色个，種木瓜、弓蕉、椰仔、蓮霧、甘蔗、檳榔……，看得出長治有蓋多煞猛打拚个耕種人。

國道三號開通十過年咁，屏東同長治兩個交流道，應該有帶動長治个發展。這幾年來，在過年期間舉辦个屏東熱帶農業博覽會，每擺都錫幫滿个人來欣賞。除核僇等所知个農產品同各種花類，還會有一大片个主題展示，係請農民種幾下種無共色个禾仔，跋高高看下來，歸地坪像一塊大畫布仔，禾仔就畫出靚靚个圖！來參觀个人，每一個都翕相翕無停！

行政院農委會个農業生物科技園區也設在長治，係現下全臺灣唯一以農業為主个高科技產業个所在，主要係做動物、植物、水產个病蟲害研究，發展出預防个藥仔，還有開發這兜生物還使得做麼个利用，對僇等農業生產有盡大个貢獻。因為世界人口越來越多，需要个食糧會毋罈擺咁，但係天時變化越來越奇怪，毋係發大水就係天旱，種作越至困難咁。提高產量、減少蟲害、永續安全个使用土地，這兜農業个改善正做得提供人類生活个保障。

邊長治無細義就會到屏東市去咁。在屏東，你有注意著該分行人看个人公仔紅青燈無？細紅人仔、細青人仔，毋係淨一個人哦！青燈時係一對男女牽手行路；到紅燈个時節，該細佬仔會跪下來同細妹仔求婚。今又有過新式个！紅燈時係婦人家有身項咁；青燈个時節就一家人三個人公仔共下行。最新式个係配合高齡社會，還伸幾多秒个字變過大咁，紅青燈也變成一個後生人牽等拿怙杖仔个老人家行路。看著還趣妙哦！分人感覺著屏東係幸福个縣市。

毋過在百過年前，長治這跡係六堆先民對抗日本个戰場。西元一八九五年，日本來接收清朝政府割讓个臺灣，臺灣各地都有抗爭事件發生。在高雄、屏東个客人也毋愛分外族統治，本旦就組成个六堆，又再一擺勇敢抵抗，在長治長興相戰，日本人一把火將歸莊頭都會燒淨咁，故所以前這位安著「火燒庄」。還細時个僇想毋通，佢等明知啊樹棍仔絕對打銃子毋贏，仰還愛戇戇去打？到今正知，就算血都流燥咁，乜愛拚死保衛家園、保護家人，該斯幾無奈何，先民佢等心肝肚有幾艱苦！每擺僇看著、想起這段歷史，都會目汁濫咁哦！

長治係一個好所在，僇係長治火燒庄子弟，僇驕傲！

作者：吳秀梅

☆詞彙學習☆

- | | |
|-------------------------------------------------|-------------------------|
| 【長治】congˊ cii：屏東縣境內的一個鄉，屬六堆的前堆，當地人發音為 congˊ qi。 | 【有身項】iuˊ siinˊ hong：懷孕。 |
| 【蓮霧】lienˊ vu：水果名，長治人稱為「茶泡 (caˊ pau)」。 | 【怙杖仔】ku congˊ eˊ：拐杖。 |
| 【幫滿】bongˊ manˊ：滿滿的，很多的樣子。 | 【樹棍仔】su gun eˊ：木棍。 |
| 【人公仔】nginˊ gungˊ eˊ：人偶。 | 【銃子】cung ziiˊ：子彈。 |
| | 【驕傲】gieuˊ ngau：驕傲。 |